



詩集評語

道光壬寅孟夏 楊夫渠題

道光壬寅歲沈子西雍出五十以前所得詩若干首都爲一集付梓人旣成屬序於余余爲之言曰詩之道本乎性情精以學問自世之言詩者逐其末而不固其本得其麤而不挈其精於是矜奇者以剪裁爲事而真意不存鶩廣者以摭拾爲能而始基已薄是亦昧於詩人之旨矣西雍爲余浙江庚午所得士也觀其文之粹然人之肫然已知其異日必不負所學旣而宰邑而一邑化治郡而一郡安斯無待驗之行事也向之所學已信之亦無待究其所學何如也卽其本乎性情發而爲詠歌者已信之深於寄情而不失之狂摯於感遇而不失之怨厚於遺友而不失之炫工於賦物而不失之纖無

論其胎息漢魏鎔鑄三唐卽其性情之真學問之實言
必關於美刺意不掩於文辭不亦合於詩人之旨乎余
之自勵者以此余之勵西雍者亦以此是爲序
道光二十二年秋七月旣望鶴舫穆彰阿

柴辟亭者漸水所東注越國之北塞也古爲武鄉今樹
文壘雄杰之士釣遊其間相與馳騁其伯才激昂其壯
氣於是同門沈子匏廬先生哀詩成集因地立名焉夫
齊梁以降厥流易靡吳會有作其風浸微賀監獨顯於
三唐放翁遂高於兩宋良由山水太雋故涵蓄不厚巖
壑競出故神骨不凝迨甌括一起其衰樵李再樹其幟
力持天性功補地靈興也奮然賴有健者沈子以瓌璋
恢博之器通經緯淵奧之文目極乎倉籀邈斯志兼夫
杜韓元白思非挾風雲以振響吐麟鳳以表奇鮮不茅
舍空營見井幹而却步蕭籟偶叶遇鈞天而息鳴乃冥
運元精網羅庶物孤標峻格陶範衆流其歛也如澄潭

柴辟亭詩集
一碧隋巘萬仞其縱也如躍馬大漠揚帆巨川其正也
如佩玉曳裾雍容廟堂其奇也如驚雷坼土怒挺草木
斯誠足以感泣夫鬼神震盪夫金石者矣且夫聲音之
道與政事通風化之源自詠歌始子昔則咎鸞江左今
方調鶴畿南理縣譜郡譜而優游效周公召公以興起
當其一篇屬藁千室鳴絃坐嘯雲閣之上行巡梅樹之
下心憺而境常樂道通而詩益超以擬蘇州之名集安
陽之著編何多讓哉何多讓哉稷辰遙聞繫思輕言貽
誚豈足任牙曠之知鑿辱許附毛鄭之箋疏隅解管見
何當乎陽春泐波沂原或契於大雅云爾道光歲在元
熙攝提格孟夏初吉同門稚弟宗稷辰拜序

柴辟亭詩集卷一

讀漢書樂府四首

嘉興沈濤西雍

滎陽危

戰成臯割滎陽赤龍蠕蠕縮不張夜出女子東門旁東
門楚兵四面擊漢王西門乃得出雌風一起雲飛揚當
日空流睢水血吁嗟乎滎陽危平城恥野雞司晨燕啄
矢漢家社稷四百年山河得失係女子

烹狗怨

俎上羹分阿翁鼎中狗烹王公阿翁碌碌不足數王公
數十游魂污不反王齊反王楚淮陰若今爲我虜請作

崩通說淮陰足下自謂與漢王試問何如漢王父

請尙方

請尙方斬安昌小臣辱師傅天子按劍怒居下訕上罪
可數將軍叩頭上不顧攀檻檻折上乃悟不得下從龍
比游惜哉乃爲此檻誤尙方劍氣繞指柔斬馬不斬佞
臣頭幾將佞血污純鉤劍匣鳴鳴蛟龍愁

赤九厄

赤精子御龍後運當厄距陽九參龍子孫截黃綬法堯
禪舜意如何麒麟殿上夜置酒天子從容言未卒侍中
在旁迎斬舌爲王爲劉不可知數語千秋懸日月嗚呼
執中稽古徒空文黃星不照獄底魂昆陽白水翔真人

新都莽亦漸臺分高皇天下不可戲君豈當塗之苗裔

送伊小尹觀察師

湯安之貴州糧儲任

霜風肅肅如呼豨使君五馬來逶遲吏民父老相顧唏
書司曹佐行斐斐弟子酌酒前致詞爲使君壽進一厄
使君之來執徐時凡厯七稔無祲饑嘉禾重穎麥兩歧
葱五十本韭一畦士民如登春臺熙使君爲政樂不支
化及猛獸馴梟鷗枹鼓不鳴將卧治班春行部監所司
七邑令長董率之事事聞白無姦私化俗旣美文教施
講堂石室延經師網羅厨及英賢姿廩給高下等殺差
凡爾髦士咸攸宜鰥生窮賤寒且微駒齒未落卣角斲
被服充屈面黑黧短褐掩胷尺有奇鞞手躅足寒無菲

口涎鼻涕兼目淚文具纍纍手自攜廁諸生徒逐隊嬉
衆中唱喏聲苦低儕輩匿笑旁觀譏是何眇小如邨雞
使君一見驚權奇召使來前問所持試以文策詞賦詩
揮毫落紙煙雲飛寸晷立盡數赫蹠背誦經史無一遺
如瀉餅水絡機絲眉目軒舉頭角鬢階前吐氣成白霓
衆方矐眙公曰嘻此子故是非常兒舍爾騎竹來佩觿
我有中息年肩隨與共攻苦相切劘竹南蕉北莎廳西
郡齋讀書處曰竹南蕉北一鐙夜讀恒嘸伊授粲適館
之間仰山公子所題也歌緇衣衣食乃使子弟齊姓字常向公卿提人生知己
如此希生我父母其庶幾郡閣喜氣朝生霏
天書一尺降紫泥循聲治績達

帝畿

知人則哲侯其禕十年不調今

賜緋繡衣持節黔江麋簡書事迫難畱稽裝輕琴堯鶴
訴飢清德若是堪歎歛一錢敢效劉寵貽道旁送者紳
與耆龐耆皆作嬰兒啼況余此別尤淒其涕下不止脩
綆縻黔山迢迢隔九疑雁飛不到音信稀使君去矣將
安依台星照耀東南維再瞻旌節吁可祈落帆亭下波
渺瀰驪歌一曲悽肝脾弟子再拜掩淚滋抒情述德難
終辭

送鍾仰山昌隨任貴州

天風吹積雪慘淡客將別淚痕冰爲漿別酒紅如血悲

歌擊唾壺與子歌嗚嗚慷慨泣數行執手何踟躕憶昨
識君早君身如我小翩翩公子佳顏色姣且好及今與
君交我漸如君高暮讀肩相隨晨聽雞嚶嚶君今棄我
去問絹黔西路迢迢萬里程凜凜嚴霜暮君言子勿悲
會合當有時此日足可惜努力青雲姿我語君勿忘鏗
火寒相傍一貴一賤貧交態恒如曩汲井須汲深結交
須結心男兒重意氣胡爲自沾襟吞聲詩一首送君納
君手他日見君時尙在君裏否君裏不可知我意長相
思夢魂生羽翼夜夜夜郎馳

登胥山同采石姊穀作

寒食郊原踏古春荒岡草淺燒痕新虬松幾尺作濤響
怪石一卷劈斧皴邨犬嗒嗒爭吠客天風颯颯似逢人
可憐破廟神龕冷野鼠銜髭拂几塵

雪

誰伸擎雲臂搥碎白玉樓玉砂萬斛滾天半瓊樓銀闕
人間留疑是西王母揚塵東海頭仙姑亂撒雲母粉天
公玉戲不肯休銷金帳暖羊胛熟醉眼一白乾坤浮大
呼滕六爲我上訴碧翁道喝退玉龍罷戰收銀蚪留待
明年六月長此白天飛碎碎免使騎龍赤帝來啾啾

簡丁丈小鶴子復

昨夜分明夢見之今朝折簡寄相思料應風雪殘年裏
飽喫梅花細去詩

賢娼巷蘇小墓二首

百五風吹送紙錢夕陽古巷弔蒼煙美人死後存疑塚

一搯西陵好墓田

蘇小墓不在西湖前人已據徐凝詩辨之矣古詩有西陵松柏之語而魏

武疑塚亦號西陵

舊瓦棠梨作雪飄襄蘇亭畔草蕭蕭夜深環佩歸何處

冷雨斜風濕翠翹

晚過杉青隴

舫舫小於萍衝煙入杳冥鐘聲寒渡水堠火澹依星鷗

夢迷前浦菱歌歇遠汀跛鐺温酒熟醉過落帆亭

漁村雜興十首

溪頭和雨卧煙蓑溪面無風水不波忽覺釣絲微動處

鯛魚吹浪觸船過

紅蓼花疎夕照微鳧鷖將子傍人飛貪看晚景灘前立

月滿楓林忘却歸

偶爾投竿倦卽休閒來獨自坐船頭了無一點胸中事

更有何心狎白鷗

菠稜米粥彫菰飯杜酒三杯渴當茶醉後刺船乘興去

載將明月入蘆花

柴門枕水碧粼粼水畔風光逐眼新一簇渡頭呼小艇

夕陽邨落散墟人

九曲溪深路曲通朝南暮北趁斜風誰撐舴艋閒來往

識字耕夫采藥翁

步松亭詩集卷一
五
淙瑄碎玉漱寒流釣雪歸來擁一篝瓦鉢幾星煨芋火
自添鴨腳煮雞頭

石橋路滑踐輕冰歸認鄰家結網鐙搖曳短筇西塢上
看人乘月放魚罾

肥鱖香粳食有餘飽來捫腹自渠渠風標絕似翹沙鷺
一足獨拳閒看魚

苦愛吟詩活計窮長竿入手旋仄成空卅錢一首街頭
賣換取兒童射鴨弓

家大人齋居詩云推牕欲礙數竿竹掃徑更侵片
石山爭似園亭春鎖住主人身在玉門關命和依
韻

半牀落葉侵書幌一徑寒雲起硯山除卻愛閒雙白鷺
更無剝啄到柴關

齋居

此君自占三弓地老衲應題十竹軒門外樹精來問字
牕間石友共忘言庭餘杞菊堪行藥徑有山池可當園
跂腳忽驚清夢破芭蕉葉大雨聲喧

題楊誠齋集後

活句能參近自然青蓮以後此詩仙椒花雨酒梅花粥
酌爾雙甌當菊泉

夜泛九曲溪

溪幽欲生雲一棹破煙鎖漁歌聲未歇暮色昏澹沱村

前路更暗遠舍時見火老柳半衰秃卧波尚妨柁月黑
水鳥明風靜浪花妥流螢閃一星綠箸梢邊墮

南湖雨後晚眺

雲光解駿晚晴妍倒影樓臺碧可憐遠水綠沈醃菜市
夕陽紅上罨泥船櫂歌一曲誰橫笛暝色全湖欲化煙
鴨陣各歸鴉陣散菰蒲中讓鷺鷥眠

朱桂軒仁榮

遺藁題詞二首

零落青衫換白楊墨痕剩熱返生香玉樓文字嘔心苦
杜牧風情中酒狂歌哭哀豪才子氣鶯花跌宕少年場
傷心鬼唱秋墳裏依舊吟魂弔夕陽

萬劫銷磨一卷存詩人炁命恨乾坤蕉邊早醒春漣夢
紙上難招柳七魂生死交情悲宿草鬼仙才調哭楓根
聰明無福千秋例成佛生天總淚痕

鴛鴦湖采菱曲

鴛鴦湖水明如玉湖上女兒霜白足欵聲乍歇摸魚歌
水調新翻采菱曲采菱傳自古陽阿日晚吳歛嬌唱多
菱竹攪成排似櫛菱舟蕩去疾如梭今年菱價高於米
歡種菱多儂爲喜南蕩根連北蕩頭東湖鱗被西湖尾
采之盈匊漸盈缸不覺灘前月照艘甘分蓮葍難尋藕
軟勝雞頭戲賭雙大婦采菱花中婦采菱葉花香會傍
鬢雲生葉好還從波面疊小姑嬌癡未識愁手弄菱絲
不掉頭爲渠大有纏綿意要拍將歸絡一篝

臨平道中二首

殘夢曹騰曉度關推篷起見濕煙鬟自披風帽遮微雨
贏得船頭飽看山
豈有堤名尚永和年年打槳此經過藕花十里汀洲路
輸與閒鷗管領多

擬唐人塞下曲

余十歲賦此題有千羣鐵騎新霜早一片黃河
落日圓之句爲一家大人所賞全首則未能稱
是也書中檢得舊藁因削存之

難靖金戈絕塞天窮秋殺氣慘無邊千羣鐵騎新霜早
一片黃河落日圓鴉噪西風爭白骨雕盤大漠入蒼煙
深閨欲夢遼陽地須記陰山敕勒川

五人墓二首

虎阜山塘七里春要離塚畔五人身千秋烈士埋魂地
總被香車碾作塵

八千女鬼太猖狂毅魄雖沈俠骨香畢竟五人身未死
茄花滿地幾斜陽

微雨游虎邱

典卻春衫醉不辭薄寒天氣釀花時靈旗風急真孃墓
暮雨人歸短簿祠去盡畫船何太急拋殘紅豆最相思
衣香鬢影闌珊甚剩有新愁上柳枝

京口渡江

幾點青山六代煙白衣搖艣浪花前地當天塹一條水
我謫人間十八年擊楫中流空自在抽帆彼岸孰爭先
綠楊城郭參差是指點孤鴻落照邊

歲朝書事

家家爆竹響春雷照眼桃符落酒杯只有寒齋自清絕
缺脣餅供一枝梅

萬松書院夜作

夜靜空山睡獨遲柝聲低和苦吟詩蒿鐙半雜書鐙見
仙語何如鬼語悲屋角嘯風夔鍊影牆陰泣雨魅尋雌
沿廊月黑閒吹火驚起棲鳥第幾枝

湖樓雨霽晚眺

風響高荷雨點稀壓波橋化彩虹飛嵐浮暎翠添雲活
樹幕炊煙帶濕肥水鳥白翻孤塔影夕陽紅上釣師衣
游人笠屐歸何晚喚渡聲中暝色微

湖上夜行

人影短橋畔秋聲枯樹灣星微孤映水霧慘遠浮山古
魅尋魂泣妖狸戴鬪還怖餘行步澁束縵叩禪關

錢王祠二首

十四州全保障中開門節度亦英雄蘇文浩蕩存元氣
歐史譏評失至公半壁山河仍索土百年父老又歌風
游人愴說興亡事陌上花開更幾叢

錦衣樹老作冬青霸業荒餘俎豆馨凍雀不鳴妖鳥死

鯉魚飛去黑龍腥天心已定傳三世海物何勞問十瓶
白雁一聲胥種避怒潮猶似畏王靈

七月十五日偕潘小岷對王竹生德沛黃霽青安

濤李芝巖培榮張湘帆衡青湖心亭看月分用六

魚韻

涼風吹客冷羅襦湖氣濛濛月上初醉裏騷魂狂落拓
水邊秋影太蕭疎驚魚跋浪搖銀海獨鶴捎雲上碧虛
夜坐詩成無筆墨青天作紙向空書

岳王墓

我來岳王墓低頭拜杜鵑陰房鬼闐寂石馬卧蒼煙茅
蒐濺人血日腳紅殷鮮是時六月中慘淡類冰天宰樹
作悲嘯聲中如有言不見兩殯宮黃腸題空棺六陵拾
遺幣淚落金銅仙孤臣一坏土尚在山之巔祇此泣忠
魂寧論獄底冤

與霽青湖上夜話襄方鐵珊廷瑚

段家橋畔作比鄰瘦影相依覺更親煙水已添新酒侶
湖山尚少一詩人夜深鬼語還都宗秋老吟魂太不馴
我欲因風將夢去只愁難得度重闌鐵珊時客節署

秋暮山行

纔見陂陀又一峯躡雲路斷認樵蹤銜山落日盪干色
隔水暮煙橫幾重鹿繞空林爭踏葉僧歸破寺不聞鐘
前村野碓喧溪女應爲行人辨蒲菟切夕春

就婚吳興官閣紀事四首

金花銀燭萬重煙一簇紅裙擁絳仙
郎小不妨將弟看客嬌容易惹卿憐
定情漫咏雙珠句耦意先酬十索篇
下界文簫真有福彩鸞新拜鏡臺前

輕攏蟬鬢薄妝梳淺約眉痕月上初
雅潔正宜貧士婦聰明偏愛道家書
琉璃匣畔閒情好脂粉叢中結習除
自仿簪花還課婢問郎波磔可相如

蓮花莊子水雲涼占斷鷗波作壻鄉
韻事未應輸道韞仙踪端合問蘭香
但教比翼成鷓鴣豈爲隨鴉惱鳳皇
記否芝芙曾夢見者般佳耦願眞償

清娛自足勝溫柔偕隱何妨到白頭
隔世因緣今世約此生消受幾生脩
寒添翠袖人雙倚讀伴青燈影一篝
愛種合歡蠲忿樹爲伊夫壻善工愁

郡齋廳壁觀管夫人畫鴿索內子墨華道人和

墨妙亭前雪色壁一片紗籠四鴿翼
不堪人日作清供猶似齋堂生怖色
爲問畫者誰天水管仲姬曾聞百鴿
今見四吉光片羽尤珍奇風流太守
解護惜恐復破壁如龍飛

壁間有長白永太守福題跋

想見當時初點筆逸翮凌空勢

矯疾狎到鷗波未許同圖成馬骨應難匹
一聲白雁歌渡江此鴿竟於何處翔
豈有幽魂化朱鳥亦隨劫運銷紅羊
雄飛冥冥招不返知去人間羅網遠
誰念王孫泣杜鵑萋萋芳草歸來晚
剩有深閨翰墨緣白頭鴛侶神

仙伴卽看雌伏自精神
倒好嬉畱後人玩鶴徑荒涼秋
復春我今又作比肩人
彩鸞寫韻尋常事好向丹青證
夙因

阮雲臺中丞師元再撫浙江呈詩四首

三年使節漫凝眸
今見謹呼夾道周琴鶴
裝輕騶從減軍民色喜吏胥愁
舊時僚屬兼襄畏暇日賓朋更唱酬
八百孤寒門下士一齊都蓋洛陽裘

韓范胸原富甲兵
蔡朱膽已懾威名
蔡牽朱潰洋匪二頭目波恬

海水蛟龍靖日麗
湖山花鳥明門偃
牙旗開絳帳手揮

羽扇活蒼生
甘棠勿翦徵遺愛
插柳沙堤盡長成
公前撫浙

時於湖堤插柳三千枝并令每年添插千枝永爲公案有詩紀事

玉節麟符儼若神
書生將種宰官身
公題陳默齋攤書圖我與將軍同意

氣半爲將種半書生研經樸學今名士
公著研經室文集行事便宜古大

臣嘉慶九年浙西災歉公先發倉穀救荒然後入奏

一德

兩朝同遇合八騶廿載尚清貧
汾陽勛業潮陽筆千載能兼有幾人

相看刮目到吳蒙
海內憐才此巨公
幸附雕龍傳姓氏

濤文刊入詒未妨磨蝎陷星宮
微茫幾誤邯鄲蝨磊落

還箋爾雅蟲慚愧欄衫馬前拜
荷衣總角舊終童
濤受知時

年甫十四

題朱鉏雲南湖垂釣圖

淡水烏篷占畫圖舊家風繼小長蘆苕溪我亦租漁艇
煙水茫茫一釣徒

幾年湖上別鴛鴦芳草粘天綠正長難忘小樓煙雨裏
白蘋花落釣船香

秋夜借墨華登愛山臺有感二首

十載疎狂漸折磨百年慷慨幾悲歌憑高頓覺乾坤大
放眼其如涕淚何一徑霜濃驚月早四山木落得天多
夜深且免牛衣泣坐待吟成與子哦

斗杓寒照屋山橫失職才人氣未平秋井塌殘悲白骨
水田澇盡歎蒼生誰能釀海全爲酒但覺移山半入城
太息吟蟲知客意莎堆時作斷腸聲

又登愛山臺

一角浮嵐入夜明支愁選夢此閒行井邊葉覆蕭蕭下
枝上烏栖跼跼驚秋魄慘隨山鬼語月痕涼入壁蟲聲
由來高處寒先覺颯慄何堪宋玉情

舟泊湖心亭遇雨

萬頃荷花裏跳珠雨亦香一亭山四面六柱水中央漁
唱穿煙濕鷗波盪影涼浮雲原易散隔浦已斜陽

酬李香子明經

富孫

湖上見贈次韻二首

幽裏足邱壑何地不宜秋況有湖山美能容我輩愁共
租漁艇住相望葑田收未減疎狂興題詩徧酒樓

竹光嵐翠濕荷葉寺門秋一半勾畱處兩三吟客愁餐

霞丹竈減坐雨釣筒收流下詩瓢去知君正倚樓

送秋

斷雲落日歎飛蓬紅葉題詩賦惱公難向漉畱喚秋夢
從今頭腦盡冬烘樹猶惜別千林慘蟲亦如人四壁空
此後悲秋無宋玉文章何處哭西風

快雪分咏得待雪

江山萬里凍雲埋瘦日初沈慘不開暝色栖鴉都入寺
寒風吹客獨登臺玉梅點點枝頭冷黃竹聲聲篴裏哀
多病維摩正惆悵要他天女散花來

臥雪

邨邨路滑斷樵蘇白板無人索酒逋自擁楮衾清到骨

誰呼紅袖醉圍爐蕭寒豈戀權門火瑟縮真同止屋烏
莫道詩情驢背懶吟魂飛上灞橋孤

偕同人酌明霞墓二首

明馮太守侍
姬葬峴山麓

今古原同貉一邱事關兒女易千秋荒原冥漠君多少
酒到明霞墓上頭

淚痕紅徧美人墳又上香斜弔夕曛明日更攜殘酒去
鬱孤臺畔哭朝雲

舟中望道場諸山

言經碧浪湖遙望白雲巘好山如高人見我頗偃蹇煙
中暖翠活雨後皺黛淺轉側互陰晴重疊迷近遠變態
千萬殊相隨柁樓轉愛此看不足掬水自洗眼咫尺不

能游山靈笑我嬾昔年蠟雙屐幽絕恣勝選巖深翳白
日徑滑破蒼蘚杉風渡僧磬竹露滴茶筓采藥茹青芝
引泉接翠笕飢來拾橡餐倦極捫蘿偃差便疎野性頗
足幽憂遣竟裏出世心塵累苦自繭結屋栖煙霞茲約
何時踐扁舟忽相值推篷數畱眄眷戀不忍歸一任輕
帆緩

七月十四夜與墨華坐月聯句

把盞邀明月吟商怯素秋濤蟲聲工絮影露氣足清愁

小瓊煮茗松風靜支頤石磴幽濤涼柯貪徙倚一葉打

人頭小瓊

歸雲菴

高人栖隱地黃葉落紛紛舊夢一瓢水空山幾片雲樵
歸迷定磬鶴去冷斜曛向晚眠僧榻松喧了不聞
誇山居之勝於城中諸友

爲說住山好林深竹繞廬瀑聲煙際響藥甲雨中鋤割
宅畱雲宿支巢與鶴居不知塵世上佳趣復何如

雨後游弁山

側足陂陀滑捫蘿猿獍升狂呼萬林石閒倚一枝藤瘦
日穿雲罅飛泉落澗棱茲游悵無侶歸路忽逢僧

鴛鴦湖詠鴛鴦四首

四圍蓮葉住中央暮雨相呼共頡頏絕勝秦宮花底活
一生眠斷水雲鄉

湖畔鶯花若有情湖中風浪莫相驚烟波偶爾浮家住
却被斯湖占小名
范蠡灘頭弄夕暉前身一舸是耶非休張越客千絲網
讓爾中流自在飛
我來湖上更年年不見雙飛恰惘然只認水禽曾宿處
菱絲荇帶尚纏綿

秋夕青華室卽事

落葉滿荒除啼鴉散金井夕陽可憐紅吹墮碧雲嶺開
軒延暝色星暉已耿耿山氣夕益佳遙襯晚粧靚覓句
劃古釵紉書鬪新茗藥煙雜沈水絲絲裊風靜清娛亦
云足幽憂此焉屏滅燭蟲響寂停琴露華冷黃月瘦於
人偷照雲鬢影

趙北口

搖鞭兀兀小垂手日暮經過趙北口虹橋十二壓層波
彷彿江鄉煙景有車中閉置俄十日滾滾黃塵馬前後
塞帷忽覩此明瑟如盲眼開蹙者走此間平原路如掌
四戰并無險可守公孫避世豈英雄蠻觸干戈言亦醜
水邊暫擬脫塵鞅食指適動魚在笱買來佐酒供夕餐
何以橐之折楊柳

黃金臺

燕昭築高臺禮士自隗始結交須黃金士也乃如此劇
辛樂毅攫金來大風東海生塵埃黃金用盡將印奪紛

紛北走邯鄲臺阿孫馬角抱餘懣思報深讐結神勇可
惜荆卿劍術疎抵鼃空費盤金捧易水蕭蕭督亢披頭
顱萬里行關西家風好士竟安用但聞白頭老鴉臺上
啼

贈汪選樓

家禧

卽題其駢體文後

儒林幾輩兼文苑鄭賈鄒枚尺有短是誰磊落注蟲魚
我識汪君今恨晚汪君倜儻權奇質星宿羅胸眼如月
井底蛟龍失水愁蘆中窮鳥依人活短衣孤劍來江東
孟嘉小異儔人中與余握手肝膽露立節豈論同不同
文成詰屈如詛楚駢四儷六傳訓詰讀罷名山一卷書
果然值得心相許有時大筆濡淋漓腕底拏攫蟠蛟螭
有時點畫窮斯籀帝鴻之紐誰能剖有時感慨從中來
悲秋宋玉豪且哀有時孤憤不能語昌黎送窮鬼跳舞
筆端凜凜森如秋子雲識字工牢愁哀感頑艷雜騷屑
令我見之心煩憂汪君汪君勸爾一杯酒君不見太史
公亦牛馬走淮南雞犬飛上天古來祇有文章壽

澄江秋夜

殘漏咽餘響斷風搖曳之愁裏添夜永病骨與秋支仄
月墜半壁幽蟲絡一絲此時孤絕意唯有短檠知

秦州二首

黑雲想像舊都軍楊白花飛又夕曛卅六英雄含恨死
蒿鐙夜照小兒墳

遺基猶說海陵倉老漢孫郎霸業荒但見長風吹水立
團團日出曬鹽場

龍潭驛曉發二首

一鞭馱夢早霜冷折綿時瘦葉打頭舞寒風著面吹妖
狸紛竄逐我馬正飢疲知是誰家墓呼鐙讀斷碑
霧氣壓山重天低老樹蒼青燐吹壞血黑箐嘯幽篁路
滑少人跡石皴如魅僵黃雞馬前唱喜得見晨光

青谿柵

玉樹歌闌江月白後宮學士爭顏色琉璃枝壁月誰最新
庭花一枝張貴嬪黃驄青馬來何駛金陵王氣黯不翠
鐘山妖鳥空中鳴唱出聲聲奈何帝奈何帝奈何帝奈何妾
家舊住天上河妾心自誓古井波可惜胭脂三尺土不
作當年葬花處刀光一片蛾眉啼嗚咽青溪流水暮可
憐叔寶無心肝石頭百尺豎降旛長城猶戀此間樂結
綺應思昨夜歡題箋狎客臨春閣豔曲新翻三十六等
是風流亡國人荒淫更笑迷樓俗我來弔古古柵前血
痕碧沁凝愁煙魂歸莫怨韓擒虎勝見灣頭乞小憐

百尺樓

樓前天水碧迢迢金粉圖書總寂寥沈醉東風原昨夜
飄零法曲又南朝傍人臥榻眠難穩入破家山夢已遙
賺我淚痕重洗面爲伊詞句足魂銷

劉伶墓

江邊古墳蒿三尺中有千年醉魂魄不知可是陶家側
但聞滿冢滃滃酒香塞我來弔古一鍤隨欲剔荒蘚搜
殘碑求之不得無可那去去勿驚君醉臥

金陵試院見歸燕作

暫時相見卻相憐羨爾歸期在客先明月梁空復何夕
西風簾卷又今年飛來已啄王孫矢歌罷猶傳狎客箋
一代興亡向誰問烏衣巷口夕陽天

西冷橋弔蘇小墓

楊花攔路逐游人閒踏香泥弔玉真杯酒自澆三尺土
芳魂曾占六朝春血痕紅染鶻啼苦草色青迷屐齒新
郭裏正逢寒食節須知儂亦是鄉親

據徐凝詩則蘇小墓在嘉興

題屈岌園

爲章夢草圖二首

孤對池塘擁鼻吟綠蕪依舊晚煙深只餘幾點相思淚
吹上草根紅到心

此夢分明已十年鷓鴣聲歇又啼鶻傳家自有招魂曲

一笛淒涼竹漚船

岌園著有竹漚漁唱

夢張仲甫同年

應升

殘星暉暉曉月白衰鐙欲暗啼蟋蟀薄寒中人慘不眠
噓吸紅霞守營魄倏而來兮故人只繞牀叫嘯雜悲喜
相思欲說風吹斷明日書成績一半

趙飛燕玉印歌爲文後山上舍

鼎作文曰婕妤妾

懶太僕題跋指爲飛燕印按漢有三趙婕妤仔趙后昭儀皆居此秩其一卽鈎弋夫人也印今爲

文氏停雲
館所藏

赤帝死灰然不得雒雉翔空燕飛入山河玉碎不復全
此印千秋尚堪識吾聞漢宮健仔秩上卿趙家姊弟誇
傾城手持人主嬰兒似一握摩挲想更輕綠綈方底盛
以進猶疑封藥中丞印禍水初消瑩碧浮唾痕曾染紺
華暈又聞河間姹女拳夫人健仔氏亦天水分昭陽鉤
弋竟誰主石縱能言玉不聞我語主人急韞櫝漢銅易
見難得玉莫似當時老寡婦握璽不牢崩厥角

十月十四日雪與墨華聯句用東坡聚星堂韻

屋角雲荒風捲葉濤密霰纔飄旋去吹雪零星鴉影偃

亂翻小瓊瑟縮烏栖飢欲絕已占宿麥來歲肥濤愁見

枯枝今夜折稍稍漫空勢轉盛小瓊點點著地跡尚滅

冷硯敲鏗老瓦碎濤溼葦療寒僵手掣無錢沽酒聊脫

衣小瓊肌粟皮皴皺生纈獨與婦飲足禦窮濤好共戎

談似霏屑打牕時聽爬沙頻小瓊推戶俄驚灑汁瞥讀

書怕受孫康凍濤煨芋懶從阿師說且須泥醉一爐春

小瓊差勝繭拳三尺鐵濤

疊前韻寄姚東石珣俞劍華鴻漸張同莊文裳戴

芝山丙銅士如琦兄弟

凍蠅鑽紙掃落葉尖風灑牕鳴急雪冷雲欲嚙口噤痒
舊雨不來心斷絕前年茗溪三尺深幾箇詩人一簡折
句聯石鼎蚓竅吟酒暖銅瓶駮瘖滅別來薑芽手久斂

十指欲動肘先掣無復芒角撐腸枯但見飛花點袍纈
子猷乘興我豈暇袁安干人君豈屑誰尋歲寒竹柏盟
苦念年光石火瞥天意催詩正未已日暮裏人那忍說
明朝貯盒擬相送好備煮茶折腳鐵

張同莊高己生

錫蕃

自茗溪赴魏塘舟過禾城冒

雨見訪適余有東湖探梅之役不值而去作詩卻

寄

東風料峭花枝冷一角梅魂吹不醒憐我高情逐曉雲
日抱花香宿花影星辰昨夜天三更深巷月黑車輪鳴
緱山嶺上兩年少笑騎雨腳來吹笙幽人已去鶴先睡
扣門剝啄無人應一犬吠客聲嬌獐一婢赤腳相逢迎

依然空往復空返此時此夜難爲情憶昔別君在何所
桂枝金粟西湖路今日君來不見人梅花鐵笛東湖澹
東湖旣茫茫鶴湖水更長相思不得語脉脉空相望空
相望奈何許君亦梅花葦畔住依依別夢怕驚迴先向
枝頭驅翠羽

題銅士曰湖寄巢圖二首兼寄芝山

斗柄插子曰在北陸天光沈陰萬物氣肅月霸不暉鐙
影暗續有客扣門剝復啄誰折疎麻寄幽谷曰新營巢
在湖曲激流植援藝修竹門前湖水清門後湖水濁遠
山如黛雨新沐白雲來共幽人宿有田可耕書可讀人
生如寄此亦足問我何爲自跼縮碌碌百年雙轉轂天

寒風雪尾畢連瞻烏于飛止誰屋
我初不識君結交由大戴奚奴鼻涕一尺長日往君家
索詩債別來三載秋復春小戴粗給大戴貧蠻州從事
東海濱海風日日吹黑人殘杯冷炙徒悲辛何不歸來
隱湖側東頭西頭結兩宅次公既酒狂長公亦黯伯更
招地下醉僧魄湖在雨花庵側庵僧虛臺下世已三年矣酒酣嗚嗚歌白石
仙才鬼才人不識

中山店曉發

犯曉風吹慘不溫荒雞唱日未朝
曉斷碑沒草似人立
壞石臥坡疑鬼蹲數樹白楊臨古墓
一灣流水又孤村
郎當馬鐸零星月并向天涯斷客魂

題徐沅船孝廉

保字

谿樓憶別圖二首

陌上花開萬里情倚樓空記柳邊程
幾回搓手團風絮
放向天涯絆客行

芙蓉隱語若爲懽芍藥新愁欲寄難
怨煞春風偏作惡
不吹鬢影到長安

春夜不寐

鴛鴦霜華重春寒欲被添花魂
雙鼻沁月影兩頭纖明
滅釭初暗惺忪夢不甜
呷牙聞犬吠邨柝警宵嚴

餞春詞

一杯持向東皇祝陌上花開緩緩歸
斷送得春畱不住
子規聲裏柳綿飛

再題日湖寄巢圖

我詩作已二載強君昔索詩圖未將太歲吉亥春載陽
粵三日朏月采光有客挾冊上我堂厥明顛倒我衣裳
披圖恍覩瓊琳琅汚寒具手急斂薑淋漓絹素墨數行
水木明瑟煙蒼蒼因樹爲屋土作牆有室寢無東西廂
偈仄僅容八尺牀名之曰巢棲鳳凰門前千頃波汪汪
一橋長板狃畧橫幽人孑孑步野塘微風吹肌拂面涼
山花飄落裾袂香一邱一壑兼一房此間卽是白雲鄉
小園庾信精廬揚巢居上欲追羲皇我家宅亦臨水旁
三分水竹一丈薔年年湖邊栽水秧蕨蘼蓮芡菰蒲蔣
有田負郭無十雙收十斛麥持作糗時時著書仰屋梁
五千文字斗室藏旁羅滂喜凡將倉時和歲美樂且康
犬年厄運遭奇荒餅無粟貯舐及糠飢烏瑟縮來競糧
煮字不癩薇藿腸蓬蒿沒牖茅蓋廊徒立四壁荒一莊
何如君家富稻梁種七百秭八百桑一椽足蔽風雨霜
五字吟出韓蘇黃似隱非隱狂不狂少微處士星耀芒
我讀畫畢心悵悵急檢舊作肱篋箱再續新句引之長
百名以上書於方

舟行卽目

港窄纜容船缺瓜鷗鳧前導槳徐划雲開粉本作天畫
風皺縠紋生水花衰柳亦如人鬢禿敗荷故向夕陽斜
詩人大抵宜秋氣看到菰蘆興倍加

過夏漚舫處士

汝爲

用唐人題方干隱居詩韻

自攜筇竹怪訪怪來渡澗泉清又清溪鶴守門添逸趣
山童應客識閒名言忘已悟禪宗旨意愜緣多野性情
祇待一鷗相對罷起看巖下白雲生

新涼卽事

幾片涼雲颺碧空遮來赤日當簾櫳夢回蝸甲枯枝上
秋在蟲聲露井中癭枕欹聽荷葉雨疾琴罷弄竹牕風
心閑便是還丹訣免作清愁鶴髮翁

烏鵲詞

烏飛啞啞接雙翼駕作長橋會靈匹雌雄繞頸鳴相呼
可憐靈匹不如烏天津一星橫絕江誰言河廣川無梁
玉繩低耿漢案尸羅襪淩波不敢渡淒淒切切烏夜啼
金輪忽放鳴天雞明星慘淡無光輝安得精衛天上飛
銜星作石填河湄

柴辟亭詩集卷二

嘉興沈濤西雍

銅士寄示三十初度詩賦此爲壽

別來數得書書道加餐粥書後琅玕紙爛然字盈幅曰
維莫之春日軌纏青陸揆余賦皇覽旣立苦孔卓示我
責髯辭索我介眉祝憶昔與君交蛇年龍尾伏詩筒日
往返夢篆夜吞逐豕腹嘲軒轅鬼瘡走顛頊我學怪魁
松君類虚心竹我健扛百韻君豪掃萬穀喜君餐霞人
不隱亦不俗一間向天借十笏傍山築朝與白雲遊暮
與白雲宿躡屐徧榛蕪嘯侶到麋鹿澆胸酒數行疥壁
穎于禿堂上娛眉梨房中奏雅樂哀師美驕兒森森立

如玉卽此便神仙無官亦自足何況少年場聲名若日
旭溲畱射潮軍挽強中可卜我齒亦已壯僅少君之六
忽雷燒尾遲瞬電飛光速拜袞媿仲華索米類方朔結
客黃金臺緇塵染素服晞髮大江南吳霜點鬢綠翻然
歸去來吁嗟那刺促想是我生初箕噏牛奮角不爾甲
辰雌庚寅降騷僕吾欲扞天門上矐竣烏目下醢銜燭
龍磨牙食其肉與君百百年共唱嗚嗚曲天路旣悠遠
難閉濛汜谷且復將我詩持向角亢讀

淮陰釣臺

古今落落三釣臺釣名釣國臺上來韓侯爾亦何爲者
可憐王孫窮餓誰相哀羊裘不著鷹揚復開竹竿嫋嫋

揭旗起赤幟一立邯鄲摧臺邊學得背水陣孫吳死法
寧中裁噲等碌碌非吾儕販繒屠狗兼椎堆涓濱淮水
兩千古英風令我長徘徊劉李鼻大多雄猜單父野雞
搆禍胎假王爲餌死不悟何如一星長客江之涯蕭相
非憐國士才卻附呂后成其災當時大將壇何在但見
荒臺突兀起草萊

秋宵無寐

惻惻寒微夜氣清霜華如月半牀橫孤缸燄短幽花落
獨樹風高病葉驚秋已無多難理夢蟲偏爾許不平鳴
耐他幾箇愁宵永潘鬢應教白漸生

曉行

裕衣初試嫩涼生
雨過天青客曉行
十里蟲聲誰汝和
豆花香裏一詩成

小泊津亭纜繫樁
晚潮風急水聲撞
星光數點墮銀浦
人影兩三依石缸
月黑篙深啼鬼鳥
宵嚴墟落吠村龍
旅魂獨夜尋宜榭
好夢惺忪怯渡江

丹陽阻淺

近市喧闐路入城
舟人擊鼓鳴銅鉦
一條三尺衣帶水
兩岸萬夫邪許聲
伐荻洲空浪干打
折桅風急船孤撐
篙工齊唱公無渡
清淺蓬萊不可行

禽言二首

行不得也哥哥
河流偪仄風揚沙

讀如莎

大船百丈來嗟

峨小船篙眼如蜂窠
行不得也哥哥

脫卻布袴將船拖
泥岸邊過水深沒
肝泥沒髀水深尚
可泥深殺我脫卻
布袴

鈎輶格磔大船小船
去盈尺運弁巍巍
虎而嘖官船行有
程民船敢相迫鈎
輶格磔

南徐道中遇雪疊丹陽阻淺韻

凍雲寒擁寄奴城
樹杪初收落日鉦
急雪灑篷掀葉舞
長風吹水作潮聲
孤花時見蘆中起
小艇還依石罅撐
誰向江湖憐瘦影
襜褕鶴羽踏沙行

又次姚東石韻

大魚噴沙鼉鼓吼誰騎白鳳天邊走逆風吹浪高於山
漫空雪舞寒威斗水師絕叫無渡河挽索持篙不停手
人影闌寂天蒼茫鬼境玲嶼岸深黝江南花月春宵多
雪作清明殊未有信知昨暮月宿箕欲誤今時斗指丑
孤篷吹火且泊舟溼葦燎衣尚噤口我瑟而縮同蠶眠
其飛也撥疑鵲醜白天碎碎雲濛濛喜共冷吟得詩友
相如敬聽客援琴秦王乃爲趙擊缶更憶閨中咏絮才
不讓鄒枚在梁藪謂墨華鹽絮吟及聚星堂韻聯句諸作歌成秋竹儷幽
蘭嚼共寒梅作芳糗江湖襍被煮孤鐙歸夢濃時如中
酒

舟中食姑嫂餅聯句三十韻九言

我聞周官糗餌加籩實

壽

從此餅師出技爭精嚴鄒平

食憲之章紀不盡

姚珣

拆十牢九遺製徒相兼吾鄉說

餅乃在當湖側

壽

小姑大婦玉腕雙纖纖當壚滌器听

夕不知瘁

珣

搓酥滴粉滫髓調晶鹽環連壁合肉好常

若一

壽

團樂無缺彷彿琳宮蟾咄嗟而辦香味兩俱絕

還相爲滑殊世酸鹹甜膠牙釘座癖嗜共膾炙

壽

寒

消到口不藉霜鋒銛客來過門輒復思大嚼

珣

一竿窮

巷高揭青花帘數錢姪女轆釜有邱嫂佳名艷說遠近

垂饑磬東陽瘦沈自詫吾舌在

壽

寒人姚吟亦不持雞

廉船牕抵足苦厭社公雨一尊濁酒難禁愁裏添對茲

堆盒足饜老饕腹

珣

食指乍動適叶靈氛占燒腸饑火

彼此作牛吼數枚飽啖一笑掀吟髯不信旨甘脆滑有
如此想見碩人手爪柔荑尖閨中巧樣本自出心匠賣

餅家法何必公羊嫌白蕉陸王雨徐前輩道罕及蘆墟

郭白竹漚屈十近唱思殊快賦本亥豕顧第弗深考束

餅賦各本詩牌駱驛信手爭先拈油沾寒具動色真可

鄙手口俱足常覺心慙慙况吾與子飢走軟紅道酪漿

桐酒到處紛擗擗回頭顧此鄉味渺難得珣攜作乾糲

北去詢謀僉斗麩半臂我甫過生日石尤風急遽泊鶯

湖奩同舟李郭名士豈畫餅相投臭味比翼如鸚鵡取

配茗飲恰喜喉吻潤共諧食性奚事羹湯熬哥窯花磁

秘色合盛向婆焦禽語俗耳時鍼砭紅綾賜宴不足為

子寵濤櫻廚列食定許從君瞻秋風花餌分曹盡豪貴

春日冷淘學士矜芳黏吾儒置身膏潤不素飽寧肯累

人口腹恒詹詹卽今舖餽相對殊不惡珣何用金閨別

賦愁江淹復壁幾載未就孟子注女市七百足已齊侯

店糗糧糗粒聊共賡楚些祇恐揮毫密汁污霜縑濤

偕東石登鐵甕城晚眺

百雉連雲畫角哀烏栖睥睨客登臺風高萬戶炊煙起

日落三山夕照開檣影刺天排岸泊江聲捲地挾潮來

茫茫弔古傷襄抱六代英雄盡草萊

賦得自君之出矣四首并序

煙艇孤泊蘭缸不明濁醪一尊斷夢千里采藍

采菘屈指離家之期桃葉桃根悵望渡江之楫
 風蕭蕭而異響月纖纖其兩頭歛篋鄰舫能為
 曼聲讀曲前谿誰歌子夜用采豔情爰摹閨思
 吟殘白紵代機上之流黃怨入紅芙激江南之
 水調詩曰
 自君之出矣長怯空房膽思君如蓮花欲開猶菡萏
 自君之出矣夢頰生啼紅思君如蓮葉搖蕩自因風
 自君之出矣剗襪階塵侵思君如蓮子無人知苦心
 自君之出矣鏡檻蟠龍黜思君如蓮根牽蓮不成藕

渡楊子江

一白茫茫萬腳篷金焦影落煙空濛側衝千丈龍鼉浪

橫使半帆牛馬風沙背截湍流壞鐵日痕盪海磨青銅
 狂歌擊楫餘豪氣詩思江天慘淡中

高郵遇風紀事

城上統如打五鼓城頭一脚商羊舞怪風忽吹水倒飛
 老魚跳波作人語驚濤百丈喧鼉鳴風水相薄為奇聲
 精靈正值河伯怒性命力與蜚廉爭舟人繫纜水邊石
 水激石立一千尺遙看甓社珠無光岸斷沙崩舟倒擲
 帆竿閃折桅檣摧雨腳更射篷牕來平生膽畧負奇氣
 亦復顏色如死灰沿江沙尾厓喫隈港窄暫避蛟龍堆
 陰霾昏曠豈人境鶴鷗夜哭啼老槐晨光欲透風初定
 嚶嚶啞啞荒雞警一舟旁死魄哉生土偶相逢語桃梗

雨渡黃河

蒼莽河聲急奔騰海氣浮沙痕挾飛雨帆影截洪流天
上來如此公今渡莫愁大魚波外立吹浪過人頭

新月寄墨華

穴鼻始成魄纖纖正兩頭蟾涼墮秋影眉淺印春愁半
面獨窺牖有人乍上樓吹笙今夕夢應逐淡黃流

墨華所居

為花影吹笙閣蓋取石湖滿地淡黃詞意也

題孫春洲風木圖二首

山樹高嚴風吹孤兒生常苦悲悲從中來不可斷絕狂
飈振林亦無休息烏飛啞啞繞樹哀鳴飢猿長嘯如聞
哭聲鼻涕一尺淚與之續蓼莪三章不忍卒讀

如呼豨魂來歸鬼伯促逼無還期天風慘淡星斗稀繞
樹三匝烏夜啼我欲尺書寄地下不得覓一枝栖

題程樸夫偉補讀書齋詩

我聞程不識曾不值一錢君豈苗裔何其賢元瑜書記
何翩翩時仰屋梁聳吟肩酒酣授我詩一編膜拜而受
禮數虔篇含神霧句雜仙誦之不覺口流涎自言少賤
貧讀書未十年飢來驅我山上山世味閱歷窮辛艱一
吟一咏瘦且寒作之其有憂患焉我思古詩人非盡儒
衣冠康衢擊壤謠野老鼓腹便國風君子慕婦子思流
連舍人優侏儒笑嚙如唇前亦有曹將軍能歌筳吹喧
何必讀書後為學雷精此語先賢傳大呼祖龍人之先

上蔡公子黃狗牽置火咸陽宮種瓜驪山巔摧燒拉雜
揚其煙但畱魯頌之駟篇曰思無邪蔽一言蕪雜盡汰
淫哇刪奚用三百兼三千我發狂論驚四筵夫子曰唯
否不然寓言十九非真詮得魚何必皆忘筌

水繪園弔冒巢民先生

鉤黨東京籍琴樽北海賓清流幾公子白髮老遺民一
代吟詩社千金結客身我裏不可見寒日下荆榛
勝地逾金谷名流想玉山奉來香一瓣遺此屋三間殘
客悲青兕荒波付白鷗珠槃今雨集望古有慙顏

如臯雜興六首

狂吟坐嘯太無端怕聽旁人說好官奴僕漸多辭我去
吏民強半當兒看經句印鏤苔痕蝕累月蒲慙肉吹殘
崔使君鞞廉叔袴敢云柱後惠文冠

奉檄心恒喜懼兼高堂白髮幾莖添供餘菽水貧能樂
宦少風波夢亦甜父句屢賡呈母改兒書自課較師嚴
更憐椎髻梁家婦象翟閒拋數米鹽

親朋休歎食無餘下考陽城百不如短袖舞知爲政拙
敝衣典喜應官疎訟庭地占三分竹簿領中橫萬卷書
畫靜放衙無箇事自拈牘背注蟲魚

水繪荒波亦可憐亭臺蕭瑟但寒煙嬉遊尚愛成觴詠
脩復應愁少俸錢鷗鳥狎欣官長熟菊泉薦賴子孫賢
宛君何在雲卽死淚落銅仙二百年

秦箏趙瑟競繁華盡道河陽一縣花僚屬選聲爲治譜
居民養女作生涯蛤蜊且食腥風賤雀鼠何來訟牒譁
我欲弦歌無雅化且敦薄俗勸桑麻

漫將吏隱判仙凡酒賦琴詩了不慚此事那甘今日廢
他時倘許古人僂鶴棲廨宇分餘俸秫熟公田慰老饒
抵得琵琶江上淚墨痕日日黦青衫

黃楚橋上舍

學圯

屬題其故友吳思堂山水殘幅

小仙畫品推神逸老谷襄人易感傷三尺霜縑畱研北
一枝鄰篴怨山陽復衣久斷楓根哭展卷猶餘墨瀟香
振觸平生舊風義殘編宿草總荒涼

余嘗輯師友遺詩爲宿草集

黃梅花四首以沈檀香梅四字爲韻和喬雲客

徐生菴

珠

江干竹外試幽尋冷蕊疎枝瘦不禁病態未嫌香韻減
芳肌偏耐雪霜侵天寒絕代宜金屋歲暮裏人重素心
一抹夕陽鴉背盡棗花簾幕影沈沈

絕似金人捧露盤成堆淚點綴千丸瞿曇面目來眞臘
萼綠風姿禮古檀獨抱冬心甘冷淡畧添菜色便酸寒
倡條冶葉知多少任爾橫陳嚼蠟看

鈿靨金蟬瑟瑟涼檀霞暈臉約殘黃宮梅吹盡憐飛燕
山額妝成倚壽陽羽士冠裳高士格道家裝束內家香
蠶腰幾度尋春過不辨花心與蜜房

隋宮翦綵事全灰紙醉金迷曉夢迴澹月微籠千點吐

繁星乍映一枝開融來蠟蒂疑成杏折供銅餅合伴梅
不比春花易搖落鶴樓休更篴聲催

題汪春田觀察

爲霖

僧伽示現圖

霜縑一丈七尺身大善知識天人尊觀空非相心卽佛
我聞如是菩薩云自來得道盡慧業如君學行何其醇
秋曹十載誦尉律阿鼻變現慈容顰臯陶瓜削面和泰
大肆拯拔生游魂一麾出守粵西郡行腳遠涉千由旬
猺童獠女扣銅鼓頂禮生佛香網緼脩羅摩睺弄刀仗
魔兵助戰興苗氛潮音忽變獅子吼龍降虎伏犀象馴
山東列郡風表海繡衣直指時周巡恒河沙數論功業
河漕鹽策兼邊屯春陰杜甫覆慈竹秋風張翰思鱸蓴

名韉利杻自解脫遺榮入道期歸真閑閑十畝釋塵縛
茫茫萬劫超風輪藥爐經卷并繩榻盡絕垢濁離聲聞
詩宗妙悟羚羊角掛畫理兼得牛尾皴寒灰枯木試禪趣
梅花簷蔔參香塵自言法嗣尚未育諸天花雨徒繽紛
我推祿命度災厄遇龍則化當及辰

嘗以李虛中術推
觀察祿命辰運辰

年法爲
得子

五百道乳劈空洒螽斯之羽何舜舜北堂蕙草

無量壽伊蒲供養旃檀薰華鬘世界本極樂法雲常護
綿千齡我生嚼徧世味蠟蒲團夙業慚靈根與君邂逅
得至契如舊相識疑前因披圖恍覩正法眼熒熒秋水
凝瞳神但願打鐘埽地皈禮作行者相與共證不二無
上漚羅門

題縞紵新吟

徐生菴顧崧菴
二人倡和之作

人生幾屐頻來集
今雨晨星各兩三
印爪新泥畱研北
打頭老屋著花南
未除結習風吹擗
難得江湖朋盍簪
合補一圖傳主客
他時詩派細論參

題王仙圃茂才

香

哀感集二首

哀怨空餘楚性情
義心苦調太酸清
兩行鉛淚三升墨
灑作千秋變徵聲

唐衢杜默雖能哭
終覺天倫至性多
我欲更刪三百首
蓼莪蒙楚鵲鴿歌

臺城懷古

青絲白馬太倉皇
愴說梁家帝業荒
天子捨身居佛寺

秀才薄命作君王
誰言餓死事猶小
但肯齋心國不亡
一掬英雄憐主父
沙邱北望路茫茫

新秋池沼

曲沼延秋景
披衣正露初
荷風起蘋末
香氣襲羅裾
月影澹疑夢
水痕涼更疎
芳馨搴不得
竚立渺愁予

自題載酒訪詩圖四首

種秫公田未療貧
依然天與一閒身
且攜琴鶴新詩本
來訪煙波舊酒人

酒徒零落剩詩魂
宿草堆前哭暮雲
我倚夕陽江上艣
一杯先酌鮑家墳

訪得詩人兼得詩
歸舟酒醒獨吟時
青衫爛作枯霜葉

莫認紅衣是釣師

天地間詩幾卷畱江湖集小亦千秋只愁萬馱牛腰重
如此蜻蛉載得不

重九文園雅集季學耘布衣標繪圖紀事主人春

田觀察索詩卽席賦贈

嬾晴初放癡雲又天意催詩作重九老桂飄香菊未舒
籬畔野花殘白丑名園此日多酒人竹葉盈壘旨且有
適從何來不速賓入坐招邀開笑口徐徐酒盞涉其瀾
了了食單與相剖有蟹幾輩束以蒲其魚維何橐之柳
酸鹹野鶩等家鳧嗜好花豬殊竹躡合尊促席勤應接
拄腹撐腸佇虛受穿籬有菜梭水花釣詩之鉤埽愁帚

共懷竹柏洽主賓徧插茱萸記誰某平生低首祝雞翁

怪石一拳皺瘦醜朱子更有季子老畫師自言掃筆如

鋤莠季子嗣宗白眼仲容狂亦復低頭拜紅友徐雪門

珠浦盡是空山猿鶴羣媿我風塵牛馬走醉後雖森芒

角腸酒酣且斂薑芽手主人爲言此咸集如詩不成酌

大斗棘人樂樂本素冠世事悠悠盡蒼狗車馬紅塵擾

攘間浮名利祿皆韉柎何如主人賦遂初十載歸田稱

奉母三徑蓬蒿大隱居敝廬風雨先人守但覺物我兩

坐忘能以人意相存偶卽今四美二難并肉食者知斯

樂否人生會合幾兩屐文字因緣一尊酒明朝江上去

孤帆尚向圖中屢回首

笳聲

哀笳何處發清商一片龍沙百戰場鄉夢遠迷遼海濶
邊愁吹斷玉關涼三更夜落城頭月萬里秋凝塞上霜
青冢有人歸未得琴絲莫更怨聲長

過味根園贈徐雪門刺史

炳

瓜田一稜晚花秋小結茆椽野趣幽詩思瘦於籬畔鶴
宦情閒似水中鷗問渠何事車生耳老我無妨屋打頭
坐對西風消幾醉菊天缸面酒新篘

題鍾馗飲酒讀離騷圖二首

香草蒲榴繞酒瓶澆書聊自酌湘醪伴來看榼知何物
蟲背鼠肝鬼手馨

嫁妹終南亦女須獨醒寧學楚三閭祇愁萬鬼擲揄笑
進士不成還讀書

題阮梅未明經

亨

雷塘話雨圖

圖為梅未借焦里堂明經循晤伊墨卿太守秉

綬

於雷塘遇雨太守作詩紀事里堂為文記之

焦仙風骨鶴嶙峋公子飄然思不羣野老驚看賢太守

居民猶說故將軍

時展令祖招
勇將軍墓

離離宿草悲先露

謂太
守已

落落晨星隔暮雲我倚孤筇弔山鬼裏人空上阿糜

墳

王郎歌贈二波騎尉

嘉福

酒徒面目英雄骨天壤王郎人不識自言生小作麤官

執筆如上馬殺賊黃金可鑄惟長江萬牛不前獨力扛
字貴瘦硬詩亦爾使我一見中心降奇才如君誠未易
挽兩石弓識丁字可憐盾鼻墨磨人三十頭顱歎如寄
人爲王郎惜我獨爲君喜君不見絳灌能文古誰比掉
來書袋竟何爲世上紛紛盡餘子我今讀書擊劍兩不
成酒酣斫地嗚嗚聲王郎王郎勸爾一杯酒看爾寶刀
在匣杯在手

題黃楚橋荒海蒙求圖

都都平丈我學生滿堂坐賢聖希未能童蒙求亦可斯
文未淪喪吾道終坎軻牧豕兼誦經解衣盤薄贏有時
掉書袋海濱足屢裹夫子何栖栖田父給日左

又題其秋園調鶴圖

童烏與予文雛鳳出丹穴三年不飛鳴倏爾邁奇疾毛
羽何離離風塵徒蹴躡嗟哉老鶴心調護防缺失吾更
爲鶴訴小癡乃大黠碌碌填旣盈時宜合豈屑不狂以
爲狂莫鑄九州鐵

送湯漁邨都閩

攀龍

入覲三首

九陌春風快著鞭紫驪自控去朝天路人不識將軍
貴尚道長安俠少年

錫馬恩榮又此時姓名早被九重知磨來盾鼻三升
墨半奏韜鈴半寫詩

南國芳踪豔莫愁石城煙景一編收

近有莫愁湖倡和集歸看肘

後黃金斗管取生兒字阿侯

時方以喪子爲戚

雪四首

天邊何處絮飛斜似碾恒河萬斛沙赤縣俄成銀世界
熱官還作冷生涯偶然蝶化原非幻莫謂冬心便不花
吹墮紅塵緣底事雲霄終古羽毛誇

三年刻楮幾時成春滿瓊林我忽驚珠玉自天誰拾唾
瑤琚擲地不聞聲縱教泥濁風塵浼到底神寒骨相清
細疊吳綿千萬頃要他衣被衆蒼生

爪泥踪跡滯江干卻憶頭顱見素冠身世那堪頻失路
乾坤到此盡酸寒千秋地老天荒恨一例鸞飄鳳泊看
欲折疎麻相問訊故人遙隔白雲端

幾容歸卧故山中高潔如斯亦轉蓬犬吠喪家襪襪子
烏飛繞樹可憐蟲墨池已悟前身劫白戰方知妙手空
歷盡冰霜天意悔吹噓畢竟有東風

風雨渡江卻寄陳範川編修

鴻臚

顧弢菴茂才

鶴

慶二首

濕雲半雜炊煙縷一片春痕化飛雨破帆幾幅渡江來
江上青山渺何許暝色欲墮天蒼茫雨腳帆腳爭低昂
一鈴塔上作人語沈郎此行何郎當江湖出入身久賤
江水江風俱不見銀濤十丈排山奔祇覺遙空飛白練
鄰舟相顧失魂魄奴涕長於鬣一尺遙知此際蘆中人
尚爾臨江遲來客

孟公投轄意太勤長康癡絕無等倫風雨如晦我心瘁
所思不見惟夫君一君坐擁臯比尊江山北顧含愁辛
獨何爲此守宗宗山鬼凝睇來笑人一君經術何紛綸
丹青賤賣不療貧英雄末路祇如此喚作畫士君毋嗔
我來有約江上春艱難行路徒悲呻錦鱗卅六寄君去
爲我潑墨一斗圖江雲

生菴招集西園分咏桃花故事得楊太真簪鬢

華清昨夜承恩極花枝著雨嬌無力禁苑常陪翠輦游
看花欲與花爭色此花銷恨并忘憂占斷春光夾御溝
插向雲鬟助蟬翼拋來義髻更梳頭君王此際恩情淡
薄命桃花豈如妾妒寵何來號國姨彷彿桃根復桃葉
忽然天地不風流海外徒聞有十洲墮馬粧成眞草草
楊花歷亂李花愁沈香亭下花無主傷心更有梨魂語
佛殿牽衣太可憐一夜坡頭落紅雨南內歸來日又斜
淒涼無復舊繁華上陽宮女蕭蕭髮簪徧人間白柰花
題錢夢廬上舍天樹看劍引杯圖二首

帶鬪醜腥舊血痕酒酣睥睨壯心存平生然諾尋常事
多少乾坤未報恩

酒人變相爲名士萬卷奇書一蒯緌夢廬收更寫檢書

行看子與君燒燭話千秋

七月十七日招同董琴涵編修國華潘功甫曾沂

董琢卿國琛兩孝廉陳小雲裴之王井未嘉祿朱

西生綬家閨生傳桂徐玉臺尚之仲子湘湘韋君

繡嘉諸茂才孫子和義曹稼山墳兩上舍共

集清蔭禪房以三十六陂人未到水佩風裳無數

十三字分韻得無字

人海相逢幾酒徒屐痕萍集又江湖約來秋意疎偏覺

吟到斜陽淡欲無儘有仙心招佛妬未妨詩骨比禪枯

騷壇莫漫分今古一例他年主客圖

夜雨讀井未詩冊題贈二首

一雨盪炎氛慄瑟若蕭序陰蟲先秋吟切切作人語君

詩鍊冰雪頗足滌煩暑秋士懣歡抱幽衷紛戚緒古之

傷心人感物類惻楚有時談忠孝嘯泣鬼神聚僧清兼

韓豪其氣乃克舉掩卷耿虛鐙惟聞走飢鼠

嘗論古人詩不甚喜何李中無真性情死氣遂滿紙琅

邪最年少諸葛真名士為詩放鄭聲雅合風人旨一唱

再三歎遺音追正始世徒見其表謂是明七子鍊氣獨

歸神曹劉乃不死我詩不苟作嗜古挾神髓取徑非貴

同所貴各求是勗哉為其難慎勿娛俗耳

趙松雪硯

銘曰不雕不琢乃存其樸篆書款署子昂二字

背銘曰人以巧我以拙少鋒鏷耐歲月行書款

署其年二字蓋松雪齋中舊物後為迦陵所得

也今藏小敷山館

白雁渡江空啄矢大宋王孫作承旨全家吹落北風中
割取南天片雲紫可憐不識玉帶生亦未卜卦來橋亭
天然至寶謝雕琢鷗波洗濯畱餘腥蓮花莊冷紅香死
淚滴蟾蜍瀉鉛水物失所主二百年流落還歸黨人子
黨人之子湖海士避地相攜只君是銅絃一唱天爲驚
萬點墨花飛不起昔日仲姬捧後此雲郎擎石雖不言
如有情篆銘凡八言草銘十二字筆所不到想其意樸
未能完拙不藏母亦蒼茫感身世吁嗟乎趙家乾淨一
片石大都緇塵汙顏色庚申甲申運何極劫燼餘灰此
頑魄瞪爾鸛鶴雙眼睛閱盡滄桑幾家國

題陳雲伯大令

文述

秋雪漁莊圖二首

大好溪山作臥游廿年寒卻盡盟鷗蘆花不解相招隱
只管蕭蕭白上頭
何日攜竿傍釣磯短蘆吹雪滿船飛煙波大有閒身世
便是無田也合歸

題鍾映淵上舍

敬濤

刀尺侑觴圖二首

劉蛻文冢誌幸毋滴醴泉劉伶酒德頌慎勿聽婦言鍾
侯英多人時一中之賢獨酌忽不樂釀飲無乃喧小婦
善巧笑灼灼桃花然齊瑟旣輟弄秦箏亦罷彈天寒秉
刀尺纖手縫裳妍一酌破愁寂再酌怡嚴顏三酌相顧
笑翦水雙瞳鮮良辰月三五美酒斗十千酒香脂粉氣
入鼻都饒涎與子老是鄉共枕糟邱眠此樂久不作一

十二萬年起視衆星中酒星不在天

一日亦不齋千日醉欲死醇酒美婦人作達有如此男

兒可憐蟲識字憂患始丈夫志四方豈復顧妻子惟君

舊酒徒乞食到吳市年年壓金線作嫁徒爲耳賴有旁

妻賢手爪頗相似斗酒待不時歸謀更奚俟我量如公

榮亦不欲平視酌酒以奉君長歌爲君起椎髻梁鴻妻

赤腳盧仝婢豔福君胡然娟娟者此豸次公醒而狂大

笑不能止

于秋渚布衣

四

母顧孺人割股詩二首

孺人姑病夫憂之成

疾割股療姑夫病亦起

純孝於今亦大難千秋婦行幾人完回天畢竟無奇藥

兩命都懸肉一丸

洗來血手裹金瘡調作羹湯自進嘗懊惱小姑偏不解

猶將食性細評量

題何五橋茂才

大鏞

吟香仙館圖二首

幾枝瘦影經年別畫裏吟香便當歸惆悵故園風雪夜

只畱老鶴守荆扉

繞屋扶疎萬本栽詠花人卽此花胎怪渠詩骨清如許

曾喫梅花數斗來

送宗生

金枝

歸里

終童對奇木賈生策治安西京兩少年大才何槃槃風

流闖宗幾千載復見精靈起東海如吾生者真其儔眼

大眉軒奕神采畱侯狀貌如婦人魁梧奇偉無等倫元
龍意氣吞餘子磊砢英多已如此我時牽絲宰古鄖橐
筆來試揚班文青衫著不滿三尺蒼頭起特冠一軍我
今賃屋居吳下幾度相依同結夏春鳥營巢擇木栖秋
風歸妹愆期嫁男兒二十不得官飯糞百甕羞餽冠才
人失職徒爲耳盍乘長風走萬里聞我衝寒賦北征亦
自脂車戒行李父憐母惜行不得別我言歸廣陵國北
風蕭蕭吹古愁縷縷不止涕泗流作詩送生生勿悲英
絕領袖非子誰瓌璋莫作羊公鶴看爾青天刷羽時

潘功甫席上贈王柳邨布衣

豫

我歌五噫來吳門一杯難酌尙書魂茫茫宇宙正聲絕

俳諧側豔徒紛紛振興詩教賴畸士秋風吹起蘆中人
蘆中翳何人曲江亭長王柳村頽波力挽追正始要使
清氣畱乾坤我初未識君君寄我詩索我文讀君詩罷
三歎息確翁已往今疑存吁嗟大雅久不作閨位竊據
騷壇尊惟君之詩號復古能以格律繩先民君詩旣古
貌亦爾怪石臃腫松輪囷聞聲十載始相識文字會合
洵前因我昔作詩縑靈芬義心苦調多悲辛縑幽穴險
出奇語屈魂鮑鬼相對蹲邇來稍復事平坦尚揖東野
奴王孫世人不識頗駭怪詞必已出詩乃真漢唐宋自
可合冶所貴遺迹斯疑神先生之詩淡不厭和氣盎盎
如春溫穆然清越太古瑟淨洗俗耳箏琶聞我詩與君

不同調變古易俗理則均我居江南子江北江花江月
時相新庶幾我唱子復和如瞽有相德有鄰先生得詩
喜勿嗔今日歡會難具陳座中作者推董醇琴涵編修壯夫
更有楊子雲幹村孝廉河陽公子卓不羣各設七覆張一軍
賤子瑣瑣何足云

題曹墨琴夫人貞秀寫韻軒圖八首

夫人為王暢甫國博芭孫德配能詩工書國博

為作寫韻軒記夫人書之改七菊秀才琦補為

此圖庚辰秋日夫人命嗣君井未索題時國博

已下世三年矣

續史工詩又善書女中不願作曹齡仙人九障名居一

若箇能教結習除

慧業三生合並修游仙一夢已千秋重來跨虎人間世

不學堯賓騎水牛

甲帳仍堅學道心鹿車偕隱入山深文牕靜寫來禽帖

早見飛來並命禽

雞林聲價擅當時內史書名遠近知朝鮮賈舶嘗以此餅金購國博書

事彩鸞輸一著文簫初未解臨池

烏絲界畫現樓臺甚事干卿改秀才書畫文章共三絕

如何韻本不傳來

有道碑文自校訛卅年人墨歎交磨劉樊咒獺偏長久

天上頑仙眷屬多

臍膊彈碁事有無左家今見姪從姑

井未室人小琴女史夫人兄女也

雙聲吟就雙鈎搨再補秋軒寫韻圖

鷗波翰墨證前因釵股分明記憶真我不能書媿徐淑

簪花合讓比肩人

內子墨華亦解八法

圯上懷古

慷慨報秦仇縱橫爲漢謀一椎空十日隻履亦千秋自古石能語於今水不流驅車橋畔過骨相幾封侯

邳州道中

河流今異昔猶繞下邳城萬古一衣帶羣雄幾戰爭時平殘壘廢水退濕田耕我欲問前路沙邊有鳥行

題施少峯

嵩宿草吟

鼻涕一尺淚一斗洒作故人墳上酒壠頭掛劍值千金不及吞聲詩一首施君交態異市兒以氣相結心相知山邱華屋幾悲慟素車白馬連翩馳白楊蕭蕭黃土陌故鬼魂歸招不得宿草根含萬古愁聊寄哀歌蕩吟魄嗚呼朱公叔劉孝標後先著論稱絕交不喪生友喪死友如君落落真人豪廿年湖海論交早眼底高陽酒徒少讀君詩罷淒脾肝感我情深愴裏抱君乎君乎何苦吟向期之笛鍾期琴鐙青月黑風雨急展卷猶聞鬼嘯集

咏車二首

隆隆聽處各分明薄笨栖遲油壁輕吐滿一茵才子氣

祝添四角美人情漫愁覆去腸先轉若肯懸時耳不生
較卻疲驢行總好勞薪且莫怨長征

儘逐天涯不少畱百年雙轉幾時休未應後此妨徒步
敢望前頭有八騶閉置畧如新婦慣攀援還憶去官愁
但乘下澤高何益我欲黃金鑄少游

張老薑山人 鑿 求當集題詞二首

山人野鶴性貌古癯且修自命爲老薑取義茶桂伴奈
何所爲詩一似重有憂辣少酸味多惻耳聲酸鄒南山
飢季女東野窮詩囚旨淡趣彌永形瘁神則不乾坤有
清氣乃爲斯人畱好甘而忌辛舉世恒悠悠一卷天地
間已矣復何求

今之號詩人豈不自謂當粗氣強叫喚失在少醞釀之
子挺孤秀先絕去依傍字字出性靈精采結紙上知其
苦吟時有若木雞養冥搜極鬼工鏤鉢運心匠一字苟
未協終日嗒焉喪理足神氣完絕節乃高唱嘗謂詩境
寬變態非一狀要惟義所安卽是心所旣才斂力逾道
意貴辭亦尚斯言誠當否語我君勿忘

病緒

殘釘風閃搖紅穗凍月窺檐照無寐寒灰香炷飛暗魂
藥鑪煙裊相思字頰眉伏枕低微吟欲吁不吁嬌喘沈
背人強起占鬼卦且喜下牀解袞帶

夢境

空庭慘碧流螢度露裊荒階澁難步斷腸花下赴幽期
一絲風裏魂來去夜長懽短更漏續敗葉低飛影孤逐
行踪潛返驚棲禽窺廊魅跡來相尋

咏風

才飄蘋末又枝頭颯颯蕭蕭底肯休吹盡飛花來送暖
伴他冷雨作去成秋一帆雲水三千里昨夜星辰十二
樓我是江湖老蕩子聽伊時節也生愁

咏月

素影當天慘不溫那堪乍上正黃昏結成萬古可憐色
照得幾人無淚痕清夢不離金鎖闥愁心誰寄玉關門
瓊樓恰傍高寒處縱到常圓也斷魂

臨平道中懷亡友胡瘦山

金題

永和堤上愁經過萬樹梅花不見君萬樹梅花一湖水
滿船春雪過臨平
瘦山更奈十杉亭畔路風尖月碎鮑家墳

沈潔婦詩

爲如臯縣民沈某妻某氏作村人某甲被殺無
主名役承官指同村之人被逮者無算並拘婦
誣以與某甲姦婦至役家自縊其夫固鄉愚良
懦且啗以重賂事遂得寢余謂此婦之死不惟
畏累兼且明志蓋潔婦也用歌其事以俟世之
采風者嘉慶二十五年六月事

灼灼河陽花桃李春風香倡條多婀娜冶葉何飄揚誰

歟女貞木獨抱冬心強農家有好女窈窕姿無雙十三
當牕織十五饁田旁二十適所天蓬首泝泝統夫既事
耕作婦亦勤蠶桑結言永偕老貞壹無他腸村民有某
甲身死被八創屍橫衢路側鄰里皆徬徨官符下鄉來
當道盈豺狼兇人置不問無辜橫被殃出符示鄉民一
網艾而張捕捉到雞狗驅撲同牛羊縣胥謂沈婦汝可
自忖量聞汝有穢行此獄應汝償捉汝官裏去汝承免
敲笏婦呼啼向天此語來何方十三當牕織十五饁田
旁二十適所天蓬首泝泝統獄自有主名汝弗自忖量
何故將苦李代此甘桃僵縣胥赫然怒貫索聲銀鐺繫
婦向城去置婦私室藏謂婦且須臾明質汝公堂婦聞
無言荅默默趨東廂生懼蒙不潔死或畱餘芳捐軀明
志節作計何慨慷晡晡黃昏後人靜卽空房掩面不敢
啼自繫喉間吮童童一尺布畢命於匡牀官吏聞婦死
相顧失倉惶士民痛婦冤淚下何淋浪謂當坐縣胥駢
戮正憲章并上婦節行綽楔門闔光農民易受給墨吏
多彊梁冤憤竟誰雪夫也胡不良嘗論古循吏懲蠹嚴
秋霜毋使妄攀引受牘恒周詳老弱與婦女尤勿輕勾
當奈何虎而冠聳噴居堂皇爪牙恣橫行流毒徧城鄉
我來愧舊尹菱舍無甘棠忍聞一路哭雀鼠聲啾鎗往
者不可諫來日方苦長寄語賢使君戒之慎勿忘

今日本國...

...

...

...

...

...

...

...

...

...



